

聖宋名賢五百家播芳大全文粹卷十三

賀啟

貳 卿 吏侍 戶侍 禮侍 兵侍 刑侍 工侍

賀林更待啟

周子充

伏審顯膺帝制擢貳天官當循名責實之朝任激濁揚清之柄士林歸望從橐增華恭惟 某官盛德在人高名映世引君當道盡居仁由義之心言古驗今富博物洽聞之學早躅青雲之路寢深丹宸之知十道思威肅擁皇華之重中臺網轄允資成務之賢考嘉績於丕昭見遠猷於已試果進甘泉之列遂專小宰之權惟允流人物之凡必區以別矧六典邦家之

表方寸

要將舉而行自非明一代之憲章曷足寄四銓之刀
尺山濤在晉灼知故事之公行儉居唐詎致長名之
濫某晚窺崇仞遠託餘光才懷殊守之安莫展屢成
之慶欣聞善類得清鑒於陽秋俯與蒼生待至和於
霖雨

賀凌吏侍啟

黃仲東

伏審中宸錫命前席需賢蒙潤神京九殿長安之三
輔陞華僊禁首二文昌之六聯注倚方隆流品自肅
竊以王畿近甸之劇或當綴侍從之臣天官小宰之
崇允宜得豪傑之士宣化難煩於久外告猷允藉於

居中恭惟

吏部侍郎毓粹自天研幾於聖奏篇文

陞風高晁董之才載筆史垣更擅荀袁之體暫假麾
於臨汝亟移鎮於宛陵眷言選部之繁宜得禁途之
舊肆頌細札召寘都臺方將陳善閑邪納君子於唐虞
之盛豈止揚清激濁審官如裴馬之能某幸托餘休
欣傳成命把繡衣而問俗方自愧於非才賜金鑑以
表清願薦承於新渥

賀吳吏侍啟

耿元鼎

京兆均勞被紫宸之新命甘泉席寵還碧落之舊班
時知物論之攸歸士識上心之所望向榮光而燭日

騰喜氣以浮春諒惟慶慰恭以 某官稽古道隆佐
王畧茂蚤踐高華之妙選藹聞直諒之休聲稍乘御
史之驄嘗落金吾之膽陸公仁義未妨錢穀之知賈
誼治安纔奉鬼神之對謂立當於要路俄勇退於急
流使寒谷生春制閩牧稽山之郡免鄰國為壑下車
疏鑑水之陂方興黃谷之謠已蒙丹鳳之詔連升夕
拜進陟天宮欲田野之間無歎愁必輦轂之下先彈
壓追前趙後張之政須左禹右臯之才從朱轂之兩
轡聊屈勤於妙手冠黃閣之三輔合歸侍於清光果
緣報政之功復拜銓曹之長對揚天子想班居玉筍
之前圖任舊人看名出金甌之下某早蒙英盼方仰
光纏屬盛事之傳聞欲中宵而起舞驚馬十駕尚煩
鞭策之加廣厦萬間永幸帡幪之託

賀凌吏侍啟

趙彥瑞

顯膺帝制擢^貳天官正臣來歸誠者相慶恭惟 某
官學該邃古文冠清流退以潔身自養經綸之用進
而論事不知富貴之榮一違軒陛之嚴屢最藩籬之
課道不容而乃見名輔實而益高興夫自葉流根遠
借四方之助曷若以人為鑑近承三接之光果奉賜
環^膺還^膺遂應簪筆君子在內自然表著之尊大匠掄材當

出銓衡之外某論交有素聞命增歡江海寢疎分隔
文昌之步雲龍方際仁霖霖雨之私

賀沈吏侍啟代

熊子復

伏審妙簡清衷薦游華禁若時求舊復分職於中臺
乃命為真肇正儀於亞旅訓辭深切班列清明竊以
文昌政事之本原莫高選部法從朝廷之羽翼尤貴
二卿惟已試之効則流品自清必久次之英則號名
乃正眷焉任重允也才難恭惟 吏部侍郎蒞藉臨
深規模闊遠故家遺俗累世猶存進士宏辭兩科連
中貴名起乎日月新渥照乎乾坤綸掖重陞既演商

周盤詰之妙銓曹再踐將復唐虞黜陟之公某猥系
先宗濫膺煩使如小子之在吾黨每荷於眷私知同
姓之異他人尚期於汲引遂傳顯命倍激懼心銓總
無私姑揚名於裴馬機衡有待旋接武於夔龍

賀葉戶侍啟

王民瞻

使指昭乎宸綸趣覲躡從九府進貳六官真賢方庸
有識胥慶竊以治道莫先於裕國人材猶貴於適時
蓋國用不足雖苟安而未可尚何以求大功時變不
通雖小試而莫稱尚何以頌遠用恭惟 聖君所以
拳拳圖治之深意正以邦計未有綽綽餘裕之成謀

特於中外詳試之聯以求通達能濟之士意之所屬
用豈徒然恭惟 某官能鉅而材宏識高而量遠居
常議論不為落落之虛言凡所踐更莫不殫殫而可
紀惟望實久馳於士夫之表而謀謨適契於天子之
衷宜是超遷益深眷注嘗謂錢穀甲兵之問所當講
於安平無事之時正惟言語侍從之臣非特以簿書
不報為故下焉則宜明敘敬以寬民力上焉則惟審
取予以益拜儲苟蠹弊之源盡塞其隙則材用之出
坐見其饒想嘉謀嘉猷無以易此計立政立事我其
尸之適觀厥成啟佑乃辟某居慚固陋夙奉政令聞

明制之初頌倍常情而增喜羈窮自縶既未遑尾下
客以前趨悃悞之私尚庶幾假單辭以叙見

賀李戶侍啟

沈德和

趣承天詔還貳地官雖佐王五教之敷人由求舊而
去國暮年之久命則維新宿望來歸輿情胥悅恭惟
某官學根經術政號吏師勤勞百為而忠不辭難
酬酢萬變而事無遺慮布宣寬大仲山久擅於將明
操制羸虛劉晏蓋知於取予屬時底治為國遠圖顧
世業壞為并兼未能復古然仁政必自經界宜以御
今將令阡陌之餘坐獲井田之利逮茲再舉遂覩一

新考均土於周官既符令典拜富民於漢相即慶成
功某遠總轉輸欣聞渙汗車煩馬怠莫收外府之饒
貫朽粟陳徒仰大農之盛依歸之始欽詠奚殫

賀宋戶侍啟

吳仲權

肅奉宸綸擢司邦計立政立事爰資經濟之才足食
足兵實藉幹旋之術郵音四達士氣增歡竊以建官
惟賢莫重文昌之六職裕民以政尤先地官之二卿
兼推愛物之仁洞曉理財之義佐大司徒之治素號
劇曹領少常伯之名斯為清選果聞進用尤屬雋良
恭惟 某官肅哲凝姿剛方植操學該載籍又尚論

於古人識貫羣倫將兼善於天下所臨必最無施不
宜自結主知益攄賢業翱翔蘭省富哉倉庾之儲禪
贊魏廷偉矣鈞衡之助朋來異數峻陟近班李元紘
時政有聞已見賜衣之寵奇章公清德足尚仁觀命
相之榮僉論攸歸斯言可必某夙承盼昧獲被聲容
逖去崇墉彌積三秋之咏遐瞻英表豈勝千里之懷

賀趙戶侍啟

熊子復

伏審輟從天邑擢佐地官上簡帝心無越宗英之望
下蘇民力有嚴邦計之權是增屬籍之光豈特禁塗
之盛竊以洪範八政食貨是先水衡九官錢幣為急

自古資為經費於今職在版曹雖崇儉去奢本躬行於聖主而量入為出藉心計於良臣恭惟 判部侍郎問學精微行能高妙挺出神明之胄蔚為邦國之華周族振振望固推於標的商邑翼翼化既浹於本原遂分職於大農爰進班於亞旅孟軻將有利國必陳仁義之言冉求可使足民不忘禮樂之事某微分偏壘阻拜崇墉錢穀之問不至於廟堂暫煩獻納宰相之賢有出於宗室任弼諧

賀錢戶侍啟

侯彥嘉

王廷揚命民部選賢弼五服以至五千輿圖是寄式六官而屬六十從橐有輝凡暨速郵翕然交譽某官高明性稟忠孝家傳鄧氏世侯東京莫與為比裴公居位四海不謂以親久矣外遷從茲明陟榮解蕃宣之政進專經費之權貸財本末源流固資餘地朝夕論思獻納方倚多聞少假禁途即梯公路某偶司近郡夙聽新除東塾序賓阻厯階墀之次尺書贊喜徒塵几案之間

賀沈戶侍啟

鄭少嘉

顯膺綸綍進陟版圖冕旒樂在於與賢簪佩聳聞而增氣為時所重稽古為榮恭惟 判部侍郎先生乾

坤毓靈海嶽標異傳孔子顏孟之道誠明蓋得於中
庸蘊公孫晁董之樹功業可見其施設揚簡要清通
之譽結螭蝠獲之知惟司元少常伯之權乃地官
小司徒之職精擇其堪為者進獻胡獨無之於今選
賢故以重崔羣之命無何議相諒首可僧孺之名某
竊食海隅承恩宇下敢聆顯制喜溢重衿江山相遼
莫陪賀客之後竿牘無益聊効小夫之勤

賀吳戶侍啟

周子充

伏審榮奉贊書擢陞計省雖孟子七篇首闢言利乃
賢哲之本心然周官一部半繫理財亦國家之先務

民要資其蘇息帝聊試其緒餘郵報初傳興情胥悅
竊以遠人未附無財士固不來邦維弗張有粟吾馬
得食是故寧死而詎可去信將富而必先為仁慕古
之人惟稷契庶幾自比居今之世雖管晏又何足為
恭惟判部侍郎問學精微行能高妙早由簡拔多
所踐馭輒使傳於王畿陞從班於民部方當考祖宗
經久之摹而制國用安肯效漢唐權宜之策而佐軍
興位契淵衷遂膺柄任某猥將漕指逖聽除音徒欣
廣廈之成莫展崇墉之慶

賀韓戶侍啟

陳阜卿

伏審顯承帝制還總地官申錫詔書明諭德意上恩
 至渥輿論有光恭惟 某官行能並高學術兼富出
 入更踐為時老成論議忠嘉有古風烈力求便郡以
 奉親輿惟邦計之甚繁仰聖心之猶屬蓋理財實周
 公之所學謂富民非舍千秋其誰宜載錫寵章復還重任
 實自忠獻四時皆總於計司歷數縉紳一門獨專於
 盛事行登黃閣盡繼青氈盡收陳列之功大慰具瞻
 之望某少慙妄作老困因早飛墮莞庫者十年萃拙躋
 於一己惟是久塵於眷獎足以自慰於衰窮竊有待
 於吹噓冀少違於枯槁其為瞻頌未易究宣

賀秦禮侍啟

張全真

伏審光奉溫綸益隆異數蓋繇稱職爰昭因任之宜
 即所居官誕拜為真之寵自聞除目靡不甘心恭惟
 某官道德淵源智畧輻輳視儒者以百數經誼獨
 高課甲科其幾人策名第一上從眾譽俾貳春官凡
 所建明率遵周典之舊不為疎濶盡存漢制之詳本
 乎六藝之文以定一王之法學師於古文便於今顧
 可見之事功其有識試矣遂使正其祿秩何以假為繫
 此殊恩無煩滿歲維太師嘗掌是禮而侍郎今貳其
 官父子一朝規摹百世上扶真主知 皇帝之彌尊

下逮斯民歎官儀之復見某自惟鄙陋猥辱知憐雖
翻倒喜心有不假寐而形容盛德曾弗能文更僕登
庸以慰蕲望

賀呂禮侍啟

熊子復

伏審輶謁繇螭陞擢貳烏臺賜細書之十行曾未乾於
制墨典秩宗之三禮遽又改於除音宸眷甚優輿情
胥慶竊以禮緣時制雖云損益之可知道待人行每
嗟文獻之不足考世系孰高於宰相得老成固重於
典刑蓋述作規模其故家猶有存者而儒雅緣飾豈
俗吏所能為之恭惟 判部侍郎毓粹自天研幾於

聖故國非謂喬木紹世業於韋平學者仰如泰山極
師資於游夏早因簡拔多所踐敷比從左掖之華進
任南床之峻然柱後惠文之治難屈於老儒豈野外
縣叢之儀可雜於昭代肆改辨於宗伯俾考正於舊
章庶猶秉周禮銷大敵之陵使復見漢儀慰中原之
慕某猥縻煩使薦存睹殊遷阻陪賓容之趨曷勝寤寐
之喜

賀周禮侍啟

朱節之

伏審親簡嗣皇真除亞旅中臺典禮既咨儒者之宗
內禁代言仍屬辭人之伯朝紳倚重從索增光竊以

稽古禮文莫清於是職為時輔相多進於此塗若司馬公之定典儀如歐陽子之掌誥命卓爾異時之冠爵為大用之階魏前後以相望曠古今而僅有恭惟判部直院侍郎妙宗道壺雄帥文壇節獨貫於險夷塗兩更於滯西垣兼直舊哦紅藥之翻東觀並遊首挹青藜之照已預裁於七制乃登踐於六聯豈徒綿蕞於漢儀正資潤色於鄭命仰見平時之筆陣獨掃千軍坐令今日之文風炳同三代方結穆清之眷即倍宥密之等某猥試冷曹聳傳溫制構櫨短植尚依僊宇之摩空緋纜輕帆或附神舟之濟海

賀趙禮侍啟

翟公異

伏審上仁辰猷中勤晝接六聯近綴尤妙選於秩宗兩禁舊游宜真除於亞旅輿情胥慶瑰望愈隆竊以商周百世所可知禮固緣時而制齊魯二生不能致道實待人而行茲既趣於旋歸果遂參於述作恭惟判部侍郎氣嚴而中裕體邃而外冲蚤由蜀道而來特出漢廷之右代言西掖諸老先生所未能將命朔廷雖古虜使而猶芳三年去國萬里還朝惟爾雅之文章已施於誥命而先進之禮樂嘗藉於論思豈同叔孫綿蕞於漢儀猶勝燕公粉澤於唐典仁循近

制擢亞中階某幸託餘休欽傳成命鋪張揚厲願益
展於稷容輔贊彌縫將晉陪於機務

賀周兵侍啟

耿元鼎

伏審光被召恩榮歸邇列當偃革休兵之治佐司馬
以制軍備簪筆持索之班從屬車而陪論蔽自一人
之眷驩形四海之傳恭惟判部侍郎直道事君正
心格物早自結顛印之賸嘗游揚清切之班非道弗
陳有猷必告周旋五院真能落膽於金吾洞悟九重
益荷簡心於上帝茂取容容之福專圖諤諤之昌俄
帝治於中臺善平銓於小宰特躋遠用連殿近藩列

岫窓中方快爭先之睹三衢陌上已喧來暮之歌迄
用報成適當圖舊天如欲治也舍孟子以其誰帝自
謂過之思賈生而不見輟爾召南之愛付予圻父之
權利交修玉敦之前盟思大建金城之長策戒不虞
而除戎器豈惟備先具於一時及其暇以明政刑庶
可折遐衝於萬里究觀賢業陞踐政途某蚤幸登門
尤深賀厦有是丈者武必備進有德則朝可尊得結
輩十數公諒慶陳於丹悃取武城二三策期永輔於
皇圖慶抃惟深敷陳曷既

賀湯兵侍啟

胡長文

罷奉宸綸榮陞禁路進總司戎之政蔚為法從之光
凡在庇床舉增欷抃伏惟 某官鼎鐘偉量韶濩正
音德茂中庸師聖賢之有法才優通變應事物以無
方自峻擢於危科頗倦游於常調守道難進得時則
行彈擊百僚獨聳烏臺之望徇翔九列聿修危正之
官輒卿月於金門輝使星於玉壘七年夙夜一節儉
夷惟西南久宿於師屯故上下俱疲於饋餉帝心憂
顧天詔哀矜爰遴選於通儒俾典司於大計輕徭薄
賦蠲重歛者不知幾科足食成軍儲羨財而更豐他
日兵民兼俗裕官吏舉安頌聲上達於四聰歸覲果膺

於三接對揚慷慨褒諭頻煩遂以一世之名臣亟擢
九重之近侍論思獻納已高持橐之風輔贊彌縫行
副秉鈞之任某遠聞新命喜極早情無從進旅於門
墻以陪賀列但與去思之郡邑同詠恩深

賀周兵侍啟

翟公巽

伏審趨覲清光寵膺華渚總介人之重久屈殿於輔
藩亞圻父之尊果復還於禁路郵傳四出頌歎一新
竊以文昌建六官之聯武部典五兵之籍然注擬右
列自隸於銓曹而堯執中權蓋顯於樞府事較古而
既異職在今而獨清是宜帝簡之難允屬從塗之舊

恭惟 判部侍郎氣嚴而中裕體粹而外冲練達本朝之舊章洞明當世之大務許身稷契既屢抗於忠言納君唐虞將必登於替盛治處懷勇退殊鬱師瞻仙殿邃深班首通於論議神幾密通職薦布於教條亟聞召節之頒歸奉便朝之對果真除於亞旅益懋論思此進翊於煩幾用宏經濟某猥縻漕計切聽綸音阻陪賓客之趨曷勝寤寐之喜

賀史刑侍啟

范致能

伏審輟從宰屬擢貳秋卿監治古以象刑式司邦禁列從臣而第頌允穆朝僉休聲所同和氣自至竊以

得賢可及堯舜建官尤重於諸曹致治庶幾成康措刑宜首於庶務匪疇問世之碩德孰贊熙朝之極功恭惟 判部侍郎毓粹自天研幾於聖濟世之道淵深而流長華國之文芒寒而色正守險夷之一節更榮滯之兩塗上既察於忠純時遂加於眷倚南宮之分六職既藉彌縫北省之出萬機更資考覈果膺殊渥亟踐邇聯豈特取儒雅而勝法家抑亦積譽處而登政路某久睽英表遠庇餘休第切忻於得與阻趨慶於成廈進臯陶之淑問已陟禁嚴用方叔之壯猷
仁躋樞要

掛榜

賀錢工侍啟

張欽夫

誕揚宸命擢貳冬官天生五材盍謹民彝之用國有
六職宜艱藝事之精朝著得人士心交慶恭惟 某
官氣涵剛大行蹈中庸傳師友之法言淵源有自明
國家之大體表裏無遺方賢業之特升固貴名之日
起參陪諸彥久從藏室之游舉正宏綱式助文昌之
政果由迪簡進造高華峻從班於貳師之聯付邦土
以起曹之重將展近臣盡規之益且觀知者創物之
能文武可尋方急備修之效元戎罕及坐期精巧之
功某遠托餘光欣聞異數屬自縻於符守莫親贊於
厦成百工惟時既啟其凝之治一德咸有行據自任
之心

賀姜工侍啟

張安國

伏審祗奉贊書擢居起部神畿穰浩既久賴於將輸
僂禁邃清宜進聯於獻納有識交頌不謀同辭竊以
天生五材民斯並用國有六職工乃與居稽前古以
設官建貳卿而分職恭惟 判部侍郎典刑前輩輔
弼名家早著令猷布在公議挺松柏後凋之節蘊著
龜先見之明與旬行都特被光華之造寶儲延閣屢
膺清切之除果疏渥於嚴宸亟陞華於亞旅國家間

掛芳金

暇必先器械之修朝夕論思方盛謀猷之告某久睽
崇何遠託餘輝茲傳成命之頒尤倍常情之喜以辨
名器姑暫總於百工惟簡帝心仁峻躋於八座

丞 賀王左丞啟

左丞 右丞

秦少游

伏審光奉明恩進升左轄伏惟慶慰恭以 某官夙
鍾間氣早擅英聲學窮游夏之淵源文列班揚之伯
仲周旋不撓出處可觀共推天下之中庸自得賢人
之簡易其退也如波波萬頃撓不濁而澄不清其進也
若火一燃用彌明而宿彌壯大任斯降貴名益昭曉
達吏方戴胃旋更於二轄潤飾儒術平津即至於三

公某辱在陶鈞云云

賀張左丞啟

石敏若

妙呼吸百家之學久代王言奮經綸四海之才進陪
國論賢者在位君子得與帝曰往哉汝諧人亦喜而
不寐恭惟 某官斗間異氣天上謫仙進止輝華神
風高邁飛黃汗血卓為奔逸之孤標慶雲景星自是
太平之美瑞鼇山路遠鵬翼風高越執政機翁從人
望紫泥封詔明天子之絲綸黑髮重金大丈夫之仕
宦非特縉紳領袖蓋作朝廷羽儀某寄身於造化間
酌酒為中外慶一官而如旅空持燕厦之私心萬蓋成

掛卷

陰莫綴龍門之賀客

賀劉左丞啟

任元受

伏審自參機政益著勲勞萬微資告后之猷四海仰
躋民之德式昭眷寵增煥巖廊伏惟慶慰恭以 某
官博夫高明恍恂亮直學貫九流之浩博文寶萬寶
之英華惟經濟有為之才足以酬酢事變惟剛方不
屈之氣足以聳動縉紳論者徒仰其調燮之功人皆
莫見其施設之迹少酬賢業薦躋網轄之嚴益簡上
心即正公台之重某久塵委使素辱知憐獲欣聽於
吉音方夙馳於遠塞徒有廕雲之幸莫殫賀厦之誠

賀李左丞啟

汪彥章

伏審策言進居丞弼精忠貫日正二儀傾側之中凜
氣橫秋揮萬騎談笑之頃國須賢立天為時生恭惟
某官厚德鎮浮英樹經遠得文武弛張之樞要獨
運曾中明古今治亂之淵源不專紙上爰自踐揚之
始每勤獻納之忠老成既有於典刑天下想聞其風
采昨屬殊隣之擾上貽當亡之憂夕烽既徹於甘泉
清蹕將臨於汾水惟公夙夜與國存亡挺身六品之
早抗議九重之據_處留家誓死挿血書詞消大變於胚
渾轉危機於呼吸暨干戈之指闕爰桴鼓以登陴義

卷十三

卷十三

十七

動三軍人皆奮死氣超羣帥敵輒請盟身雖九殞而
一生國則崇朝而再造昔李晟子儀之功高矣而未
嘗空策張良謝安之謀至矣而初不臨戎永惟元勳
負絕前古既名高而衆媚乃讒就以身危士訟公寬
亟舉幡而集闕下帝從民望令免胄而見國人薦經
艱難益見奇偉方主上大明之今日實邦家希濶之
昌朝欲庶賢同建於事功非雅望孰為之師表將萬
世維持之是賴何一時康濟之足云某久託餘光欣
聞盛事雖無緣進旅退旅陪賓客之後塵豈不能特
書屢書續山林之野史巖廊多暇歲律方熙願精寢

膳之調用副華夷之望

賀梁左丞啟

楊成功

伏承顯被制恩進登丞轄對裁國政均任柄塗不謀
同辭有識相慶竊以出納王命允惟喉舌之司網紀
天臺實總樞機之務是為高選以屬異人恭惟尚
書左丞學術淵微器姿宏博溫如清廟之器屹然大
厦之榭早步儒林遍天祿石渠之選晚登禁路極玉
堂金馬之榮雋譽藹然僉言籍甚是宜降之大任發
紆經濟之謀起而有為協贊太平之運果膺妙簡大
慰輿情密勿廟堂已丹青於神化調和鼎鼐任登冠

於鴻鈞某早陪寂寞之游相忘形骸之外鮑叔知我
肯掩夷吾之非匠石運斤嘗去郢人之壘賢愚之出
處既異中間之書問莫通念麋鹿之難馴分江湖之
終老顧南隅之甚魏望東閣以難期思舊敢懷寓言
何極

賀王左丞啟

李清叔

伏審進班上轄總職夫昌凡沐素知舉增劇拊竊以
上聖撫運函生底寧法度冠於三王德澤橫乎四海
固嘗歷數於在昔以為莫盛於當今仍得超世之鉅
資與贊經邦之遠業伏以 某官學窮道與文粲國
華納忠上前變通通萬事之利馳譽天下明俊為一
時之先宜蒙眷於中宸特升榮於左輔某側聆褒命
允協師瞻其在懽愉罔殫敷叙

賀李左丞啟

陳師禹

被帝簡^檢之温文進天臺之左轄垂衣舜世方翰製錦
之才休鼎周家果借調羹之手大厦成而燕雀賀陰
雨膏而黍苗興凡在甄陶孰不鼓舞竊以尚書者萬
機之樞會^貳丞者百職之綱維於以糾正官聯於以
肅清朝憲賢而戴曾僅以殫舉顯直如韋景纔以鯁
亮名恢恢有餘地者百無二三斷斷無他技者十常

八九欲望重一時之選須身兼數器之能當有偉人
出膺巨用恭惟 左丞天人先覺河嶽上靈有可大
之業而持之以謙冲有克壯之猷而奮之以早晦偶
天地亨嘉之遇從風雲會合之期以忠義親結主知
以直方務盡臣道陸賈聲名籍甚於朝右吾丘智畧
輻湊於上前薦歷東曹素重公方之譽進登廊廟果
膺修整之稱澄叙百官之流品而人無間言統女孺
務之淵源而事有成績當今之世捨孟軻氏其誰北
斗以南惟狄仁傑而已至公存乎宇宙清議藹乎鄉
閭士論僉俞輿情共慶如某者江湖寸梗泰嶽一塵

自憐樗櫟之才得依桑梓之庇矧相府之鈴不沒或
許進言屬東平之幕初開頗聞奏記得不編摩童訓
呈露巴音代雉贄以修名殫鼠能而自效瞻南山之
巖石積有歲年活東海之巨波期在朝夕誓將剪薄
辱在品題

賀胡右丞啟

秦少游

光奉明恩進升右轄伏惟慶慰恭以 某官抱英傑
之器屬休明之期智無不照而御之以寬學無不窺
而守之以約待時藏器未嘗枉尺而直尋肆筆成書
惟欲琢磨難而復朴風采凜乎其可畏議論坦然而易

行俄鑿^和之相投遠囊錐之穎出擢承御史人無間
言進轄文昌朝有故事面折廷爭已聞國士之風內
平外成行規大儒之効某叨分符節云云

賀吳右丞啟

劉子駒

拜命中宸分聯右轄正人既進朝廷之勢益尊大道
將興天下之民斯幸 某官秉心亮直學古粹深常
一志於險夷恥因人而進退不可則止懷著龜先見
之明於義也剛挺松柏後凋之操屬大明之紹服攬
羣俊以在朝間自西州入升內相謂輔世必忠賢在
上而順民惟政事為先總^正政臺綱共謀玉體六官成

績方注意於名儒萬世永圖將登庸於真相

賀梁右丞啟

周子充

祇膺恩制進貳宰司伏惟慶慰竊以國家正尚書之
名以總錄萬務高丞轄之任以糾正六官既參台鉉
之尊乃付股肱之寄眷倚斯重體親加隆猗歟偉人
卓當上意恭惟 某官素韜賢業雅負英才以謀謨
忠蓋世其家以器度恢傑名於世始終著績出入宣
勤果膺當亡之求進堯中臺之峻恢張王體何止國
富而兵強翊贊帝猷將見禮興而樂舉繫我哲輔實
慰民瞻某叨把州麾介居江國史標循吏自愧於前

人頌播賢臣親逢於今日忻愉踴躍實倍常倫

賀李石丞啟

龔實之

伏審榮被帝恩入提政柄宿儒登用輿頌交懽伏惟
某官德蹈中和識窮要妙可大有賢人之業不倚
居君子之強立乎本朝風采聞於當世見之行事膏
澤下於斯民惟丞轄之近司實紀綱之重寄果膺高
選式副具瞻行觀帝載之熙進秉國鈞之重懋恩可
待公論攸歸某限守藩符阻趨賓館欣頌之懇倍萬
常情

賀呂石丞啟

王晦叔

伏審光被制綸顯司政轄上副帝心之拱俟下俞士
論之僉諧成命初傳輿情胥慶恭惟 某官雄文華
國敏識際天異眷從容步武屢驚於蓮燭殊私簡注
姓名久覆於金甌果膺體貌之隆進貳鈞衡之峻明
良千載今古一時廟堂增九鼎之基象緯炳六符之
色某叨陪寮案幸託聲光未遑慶牘之修先沐謙函
之辱舜官拜首允惟百志之熙周輔同心坐底萬物
之治第深欣抃曷究感私

賀王右丞啟

王季高

伏審登進儒宗參陪政路重熙累洽允惟一德之相

求聚精會神盛矣千齡之罕遇綸言誕布輿論祇懼
恭惟 某官問學際天謀猷映世緱山仙系傳鶴覽
之風流淮水家聲擅烏衣之人物鳳閣持荷於西省
鑿坡視草於北扉直將追三代之文章豈特論兩京
之制誥至若進聯四近入贊萬微朝廷渴見於規摹
措紳想聞其風采某早嘗傾慕晚獲披承風雨斯調
全仰泰階之明潤棟梁已就願承厦屋之幷幪

辛未十月初八日依明鈔本校

聖宋名賢五百家播芳大全文粹卷十三

聖宋名賢五百家播芳大全文粹卷十四

賀啟

都承 賀徐都承啟

張安國

伏審入覲清光進膺華渚通班延閣護雲漢昭回之
章列職機廷承夙夜宥密之命有識交頌不謀同辭
竊以西清次對為侍從之臣矧奉徽皇之寶訓右府
贊謀用儒學之士實遵神祖之洪規併授真能蔚為
異數恭惟 都承待制志宏闕而識遠行峻而才高早
被簡於宸旒久聯華於禁索屬嬰多事式賴遠猷召
節趨趣來甚副措紳之望除音亟下果陪帷幄之謨方

殊鄰莫測於新情而當正圖於遠深操淵雲之精
筆妙墨已優華國之辭捷答秦楚之堅甲利兵更妙濟
時之略某猥縻煩使幸庇餘休但竊欣於得與莫趨
慶於成履周蓋得上策暫陪戎索資邊圉之籌唐孰佐中興
即預政塗之柄

賀余都承啟

楊廷秀

伏審妙簡傑才特疏曠渥通班書殿越陞論譔之華
導旨機廷寔預謀謨之秘置傳四出頌歎一新竊以
文武兼全在今殊少君臣相得自昔尤難儻非負離
倫之識而一洗空於須臾曷能膺特達之知而萬世
過於旦暮是為希濶孰與等夷維時宥密之廷有宣
基命粵自熙寧之載始用儒臣仍兼修書撰次之榮
以寵定策亞勳之嗣登近輔實階於此繼盛事非公
而誰恭惟 都承問學精微行能高妙河漢黼黻雅
優華國之辭雲雷經綸深蘊際時之略親承妙注徧
歷華塗樞府簡寮叅兩禁鷓鴻之列端闡服采肅九
闕虎豹之儀名聲重於朝廷言語妙於天下果頒制
檢易踐文階贊帝命於籌帷夙夜出納亞官儀於從
索朝夕論思某素仰下風欣傳新命猥服勞於原隰
阻贊喜於門墻仁錫儒科酬稽古辛勤之志更 恢

賢業贊興邦闔遠之謀

卿監
賀林大卿啟

史天秩

伏審正名文館叙位月卿賢德有光朝言胥允 某
官秉心淵懿道造精微操修得儒者之風進退有古
人之義頃由直道懇辭風憲之權俄藉雅材近涉朱
丹之地出充盈於國計入協贊於宰司休有令聲克
當睿意直芸香之省增耀於儒林董酒正之聯試能
于卿寺湛思載渥顯用可階下貽彬蔚之辭尤諷謙
光之旨永言欽誦曷罄叙陳

賀宗正王少卿啟

熊子復

伏審簡在帝宸寵還卿列稽三代之損益密定曠儀
數百世之本支載修繕典深動儒紳之豔實為從索
之階竊以伯臣司宗班既高於九寺舊人固任望益
重於一朝恭惟 判寺少卿先生蘊藉醇深規模闕
博植學貫三才之奧摘辭舉六籍之華天且弗違當
今之世舍而誰也人雖自絕斯文未喪其如予何果
契清衷復游華貫某猥縻冷職久別光符但竊欣於
得輿猶阻慶於成厦杜陵轉拙晚期堯舜之逢枚臯
忍窮小待嚴徐之奮其如辭訥莫盡意識

賀莫少卿啟

洪仁仲

排法

伏審簡繇嗣聖擢貳司宗換九列之清班階六聯之華選有識交頌不謀同辭恭惟 宗正少卿性益中和氣涵剛大自兩科之連擢既三館之徧游乃踐郎曹遂居卿職文昭武穆暫司屬籍之繁周誥商盤行掌訓辭之美某猥縻煩使夙荷慈憐阻修慶於崇墉但致誠於竿牘

賀王永衡啟

蘇叔黨

光膺帝制入掌水衡澄清千里之畿民無冤濫渙汗十行之詔帝自疇咨伏惟 某官道義儲身忠誠許國談經術以佐吏事懷仁義以陳王前故出則俾觀民風入則緝熙庶績顧大河中國之經瀆表治亂而見於書而水官三代之虞衡歷古今而難其選將欲行其所無事又使謀之於未默寬九重宵旰之憂慰兩河生齒之望循名責實為官擇人果見除書允諧善德消盜賊以安渤海旣旌報政之良臨河洛而歎禹功將繼前人之美某久參屬吏夙被仁風欣太平之得賢親嘉猷之入告願同燕雀遠伸賀履之誠尚

冀桑榆晚借餘光之未

史掖 左史 右史 賀李左史啟

熊子復

伏審久侍清光進承新渥左垣記事益高雨露之司

右掖代言并下風雷之令定知簡策所載燦於典謨
並傳何幸斯文有光今日竊以言動必分於記錄賞
罰每形於訓辭載堯舜之都俞以軌範百世摹商周
之盤誥以鼓舞萬方粵從嗣聖之重華罕見傑才之
兼任間有膺於殊簡迄果贊於煩幾卓為廊廟之階
復出措紳之表恭惟 左史中書舍人昭回毓粹峻
極儲精賢關早冠於羣儒冊府久聯於諸俊逮聯從
索俞契宸旒果序陟於螭階更兼榮於鳳閣侍赤墀
而操寸筆法遵孔孟之謹嚴對紫薇而草尺書辭類
漢家之深厚天將大任道可前知某蚤際階符輒登
牆仞謀猷告內方觀功業之隆才俊滿前自愧言辭
之拙

賀趙左史啟

洪仁仲

大君有命眷求載筆之臣左史記言爰約繫年之法
得賢俱要惟眾同懽恭惟 某官學探古初識觀物
表懿文大肆追作者之風流中道不回得正臣之議
論早際昌辰之吉出參俊軌之游惟時策牘之官特
異廟堂之選宣精柱下仰鄰北極之尊濡翰螭頭肅
對紫宸之仗陪一德論思之秘貽三長筆削之規不
有深切著明之辭孰示出入起居之戒庶因躬覽細

漢家金石之藏當俾方來見黃帝盤盂之作某久瞻
盛德方託餘光自康符竹之間阻慶門牆之下勸善
懲惡既收鉛槧之功經體贊元即助丹青之化

賀胡左史啟

石守道

伏審妙選振_宸廷直除史掖司存雨露久攝侍於清光
渥照乾坤果特承於新命楮紳交頌簡冊可傳竊以
聖人無為南面恭已大君有命左史記言仰模北極
柱下之纏遠陋西都禁中之錄天顏咫尺爰卓冠於
螭坳雲步梯階蓋例遷於鳳閣實基大任庸畀真能
恭惟 左史舍人學造聖傳文追古作宰屬嘗禱於

萬務臺端更肅於百寮逮復造於朝聯宜益堅於主
眷辨文武之昭穆既列九卿載堯舜之都俞遂躋二
史凜凜伏狐之筆颺颺班馬之香姑用謹於直書即
進顯於密命某猥縻煩使述賴餘輝莫陪賓客之趨
曷勝寤寐之喜

賀蔣右史啟代

熊子復

伏審光膺宸簡進踐禁塗聯雨露之近司既書君舉
布風雷之大號更代王言郵置初傳薦紳交慶竊以
言動必垂於史策賞罰每形於訓辭堯舜都俞炳於
萬世商周盤誥鼓於四方匪併授於真賢曷追踪於

或美恭惟 右史中書舍人受才傑異造理精微文
陛奏書擢鼎科於早歲容臺議禮亞棘位於明時果
隆嗣聖之知亟正侍臣之選右言注記得孔氏之謹
嚴內史除書同漢家之深厚某尚拘原隰莫造門牆
獻納論思方懋濟時之業彌縫輔相更恢經世之圖

史館

賀秦太師修徽史成啟

李漢老

褒表殊勲誕敷顯策貳公弘洪化峻遷左棘之崇當軸
處中益重上台之望鈞陶所暨鼓舞攸同竊以紀德
昭功必垂信史立言範世實賴元儒永惟徽廟之纂
承仰繼裕陵之垂創巍巍其盛既成五以登三永永

之傳宜襲六而為七若稽鉅典必屬昌時伏惟 某
官道妙機先識通意表文極商周之灝噩論兼稷契
之忠嘉陳洪範九疇已協天人之際作春秋一善更
顯筆削之能眾作賴其提綱疑論繇其折衷文武之
道在方冊益煥先猷孝弟之至通神明昭合上意屬
成書之奏御宜異數之揚庭緯帝典而敷文華豈獨
比良於遷董振天聲而恢境宇行將據憤於高文某
蒙眷滋深聞風切抃魏相條漢興之事益彰先帝之
功太史任元封之間敢起周南之歎欣躍所至敷演
莫彈

掛之

賀丞相修國史成啟

熊子復

伏審愷史成書紀先朝之懿蹟徽章錫命答上宰之殊勲清廟有光巖廊增重竊以方冊有文武之政取過佚於前人春秋無游夏之辭皆折衷於夫子洪惟徽廟祇述裕陵號令發施雷風鼓舞於萬物德業盛大日月照臨於四方治蓋減五而登三文將襲六而為七若時鉅典自我真儒恭惟平章僕射相公功大格天才高經世文章入相彌綸允合於上心典謨作經粉澤更資於大手裁定有叙勒成不刊茲奉寶儲遂中華渥瀨瀨噩噩既叅雲漢之章赫赫巖巖益峻台階之望是為希曠孰與等倫某幸託化鈞欣承命冊注心潭府莫陪下客之趨屏迹衡門聊附遠方之賀

賀錢大參提舉玉牒監修國史啟

黃伯淵

伏審穆^緯清朝提舉^綱鉅典鈞衡虛位登庸已斷於上心粉澤成書述作先資於大手載頌渙號益聳巖瞻竊以帝胃久而益繁史例多而貴約周王孫子綿百世之本支魯國春秋著一字之褒貶惟聖代並修於大冊必宰臣兼總於羣英若趙文起以宗卿而纂昭

穆之序於祥符如李文靖以故相而董筆削之權於慶[是]歷昭殊眷豈限美章今當軸尚闕於冢司故提領特資於良輔恭惟 參政知院才高命世識遠際天敦大裕和濟忠懿鼎彝之美雄深雅健增文禧翰墨之光早陳稷契之猷薦^荐被勛華之眷贊經綸於祭席運開關於機廷^甸外國之運直百年既息邊隅之警漢家之統接千歲用昭簡冊之傳果膺注倚之隆式副總裁之重金匱玉版將勒成於一經袞衣繡裳即寵登於三事

賀孔舍人修史啟

呂伯恭

伏審給札中堂文成頃刻拜嘉西掖望重措紳豈專儒者之逢辰所嘉正人之得路若乃有唐故事兩漢舊儀迨至元豐舉行官制刺取六典董正庶工孰匪譽髦此為妙選我冠柱下常親咫尺之顏濡筆螭頭自是起居之注然所譽者其有所試有德者宜乎有言職懋三長功收四立故非老於文學安敢窺其藩籬恭惟 某官才藻掇天聲名隱地采之公論簡在帝心語言獨妙於君房潤色終更於東里豈謂遘回三紀奔走四方玉石俱焚同驚烈火雪霜大摯獨保歲寒必謂此生永絕江湖之上豈期晚歲復陪步武

之游人矜文子之同升自歎馮唐之已老玉堂視草
行膺明主之臨觀金鼎調元終起蒼生之素望未容
慶謁先辱珍函愧佩之私書言罔盡

賀王舍人兼史院啟

李漢老

命播朝昕恩隆接畫鳳閣目舍人之樣快觀黃麻史
官重宰相之權兼提直筆時有得賢之慶士歆稽古
之榮伏惟 某官樂奏九韶玉輝千仞躋詞行遠屈
宋甘作於衙官廣譽離倫曹陸羞稱於童子茂摠賢
業連中儒科代言已妙於一題通國皆期於三字久
徊翔而難進會總攬而彙征海中有蓬瀛作英躋之
領袖李下無蹊徑振公道於銓衡方四禁之簡才為
九重而起草煥星斗文章之麗鼓雷風號令之傳思
若湧泉言如出綉虞夏之書渾渾耳可以齊馳伊望
之業凜凜乎行將有立某自揆符采屢變律筭三人
同行有我師當攀逸軌千里之外曰旬服幸借未光

賀盛屯田兼史館啟

滕子昭

四方上計實領於南官三署為郎遠從於西漢主文
書起草者蓋出於妙選掌戶口墾田者素號於劇曹
自非藉甚聲猷閑練故實述平樂之詞賦飄飄遊天
地之間挺京兆之容儀堂堂出風塵之外即何以更

司容禮趨走赤墀之途典校鴻都筆削素臣之傳欽
聞成命允謂當仁員外學士學殖堅深神鋒耀穎擅
東南之美馳譽無雙登賢能之書對策第一自翰飛
於雲路諒冠映於朝倫職位地官頗版圖之增羨經
中博士亦絲絕之居多矧復參汗簡之刊修奉和鑿
之遊豫陪外庭之高議次藏室之遺編氣蓋羣英吞
雲夢者八九辯推異學服稷下之千人莫之敢當無
出其右汝南品格固首出於月評天祿職司亦久次
於官牒爰膺妙簡尤謂美遷麟臺仍草於國書雒省
共評於事典上應列宿蓋懸象之著明藏之名山乃
立言而不朽職業甚重公論攸歸側聽風聲用清心
目顧忻愉之所集辱牒簡之俯臨荷眷獎之殊深豈
引喻之能既

賀晁司諫兼史館啟

洪景伯

光奉聖恩榮加寵命伏惟慶慰竊以周有司諫之職
所以名官唐設大夫之階因而命服處諍臣七人之
任超散官五品之榮仍兼史閣之資實聳士林之觀
司諫學士瑰琦琦邁俗純粹積中負玉佐之偉才擅人
倫之嘉譽至誠過物固璞玉以渾金餘力為文必搗
錦而布繡自決科於丹陛更隨牒於四方主父欲厭

抄三

於宦遊賈誼始聞於召對職史直筆削青簡以惟勤
班奉內朝服皂衣而已久果上書於闕下旋對策於
禁中三道既成推平津於第一萬乘斯覽喜相如之
同時遂詔有司亟遷好爵華袞之職俾効於彌縫名
山之書再加於論次既臨軒而廷見仍賜服以褒崇
朱紱被躬式將旌德嘉魚發詠用慶得賢固將大樹
風聲克揚職業三進及雷一言興邦更彰蹇諤之名
便歷訐謨之任豈但文石之上為鴛鴦之羽儀蘭臺
之中正魯魚之譌謬顧惟望祝實等異倫

學官
賀路祭酒啟

邵澤民

顯膺綽綽進掌成均當大典之聿全宜寵光之彌渥
允協士林之望蔚為儒者之榮恭惟 某官命世上
賢斯民先覺學術窺天人之奧文辭搗奎壁之華早
為神聖之知屢易師儒之任別朝廷之所務以學校
而為先令具法嚴教行俗美丁寔重複炳成書於日
星佶屈聳牙追德意於盤誥惟時偉望主盟斯文多
士取正於表儀四方願識其風采吐莪泮苑咸歌樂
育之恩師辟柴愚亦造庶幾之域某羈單卑落蹶疑
庸愚降才不逮於中人繕性未捐於俗學重念三川
之隱放嘗膺二后之招徠正園賁玉帛之光家世負

拜表

箕裘之責方面牆之為病茲拾芥以何功

賀嚴司業啟

趙德莊

疇咨中宸典領成均教學為先蓋京師諸夏之根本
誨人不倦惟儒官四海之淵源清議攸歸輿情胥抃
恭惟 某官稟資渾厚體道精深迪知九德之純言
斯可法貫穿六經之奧傳所未聞比紬冊府之書旋
訂容臺之禮討論典故聿觀四部之新顯設寢儀不
待百年之久乃眷賢關之重載惟冀望之求時方君
子之大來天俾斯文之未喪矧當漢室橋門之盛久
虛周官師氏之尊崇化厲賢將啟太平之兆回心向

道固非俗吏之能位承正坐之臨嗣有得與之慶某

論文獨晚仗取庇方深仰喜陽公告諸生之忠孝居慚

蜀宇除弟子之更徭莫陪賓客之塵徒結神馳之念

宰掾檢正左司右司

熊子復

伏審簡在宸衷序遷宰屬雖西清邃密少稽禁路之

登而北省幾微實預化源之出郵傳四達頌歎一新

竊以三公在朝宰士獨參於造化六卿分職都司第

督於成規官儀雖號於接聯主眷已知於殊絕天將

大任道不虛行恭惟 檢正學自家傳才不世出毫

端扛百斛之鼎曾次容萬頃之波波蚤結隆知既糾違

於右府比膺迅召遂董正於左曹特疏隆檢之恩首
列鳳池之屬攷熙寧設職之意數務既專裨宰相代
工之謀簡僚斯重仁頒寵渥越正從班某逖仰英符
踈聞明制光華閩嶠顧已幸於續貂騰踏天衢竊尚
希於附驥

賀虞檢正啟

熊子復

伏審擢自左曹躋於北省覈中臺之綱紀久簡清衷
裨上衮之經綸進膺華秩有識交頌不謀同辭竊以
熙寧創制之新丞相簡僚之重謂都公分聽皆六聯
治式之已成而宰士通知實二省政機之攸出故此

序升之渥卓為柄用之階恭惟 校正與學家傳懿
文古作量淵乎而莫測節烈凜而自將早陪朱邸之
游旋列紫樞之屬使軺一去蓬瀛通羣玉之班召節
再來角亢冠列宿之位果符輿望亟被峻除方將督
期會而檢吏姦糾愆違而裨國是嗣膺制綬平陟從
塗某去德方新贊喜實倍杜陵轉拙晚期堯舜之逢
枚臯忍窮少待嚴徐之奮

賀傅左司啟

前人

伏審妙簡宸衷冠聯宰掾董正文昌之緒卓為法從
之階竊以三公在朝必藉彌縫之益六卿分職允資

權岩坊銘

糾劾之嚴矧尤重於左曹每序升於亞旅天將大任
道不虛行恭惟 左司與學家傳懿文古作量淵乎
而莫撓節凜然而自將學者之仰泰山早揚碩望郎
官之應列宿久結清衷果疏寵渥之新仁踐禁途之
遠是惟公望夫豈私期某猥試冷曹逝瞻崇仰杜陵
轉拙晚期堯舜之逢枚臯忍窮少待嚴徐之奮

賀正左司啟

陳君舉

伏審擢從東觀進列都司豈以峻陟於亨塗此實寔
階乎大任恭惟 某官高文華國勁節端朝是為間
出之異人宜服不次之妙選道山接武方觀懋蔚之

功公府簡僚益賴將明之助蓋眷眷已隆於三接則
寵光當極於九遷遂躋從橐之嚴乃副朝紳之論某
曩緣清晤已仰高風逮聞除目之流傳益慰素心之
傾倒賤事執掌曾慶牘之未修盛德謙虛忍華緘之
下達英華溢目欣感銘心

賀正右司啟

熊子復

伏審選從起部擢置都司密贊台衡董正文昌之緒
益隆帝簡卓為法從之階有識相趨不謀同慶竊以
角星首冠於列宿宰士實總於諸曹庶務稽違一切
糾治武元衡之詳整旋陟憲臺白敏中之文辭徑躋

權越州銘

翰苑傳聞自昔親見於今恭惟 右司才備全能識
覃眾妙量淵乎而莫撓節凜然而自持蔚有令名播
在公議早妙郎闈之選久參帝所之游工居六職之
聯既煩協助相理萬機之務更藉深裨仁疏寵渥之
新越踐禁途之遠某猥縻煩使幸托餘休莫陪賓客
之趨曷勝寤寐之喜

爵封

賀吳郡王啟

伏審舍爵於世聖人深嘉其功裂地而王天下猶恨
其晚歡騰有眾榮冠當時竊以用兵以來幾四十載
帥師在外凡六七公孰有父子兄弟相率以守邊致

使官府都鄙常為之按堵國家所賴威望獨高宜備
禮以臨軒并闔門而行賞恭惟 某官自投齊鉞隱
為長城敵行避其鋒敢潛窺於塞下士卒服其德皆
樂屬於軍中頃出武都坐收德順將入關而拓境忽
受詔以班師非惟惜功名於難得之機蓋念遺君父
以未除之患如聞行路巴人蜀人之有言歷數近年
韓王張王之莫及比執介圭而入覲特歌出車以勞
還都邑爭先而聚觀控楯合語而歎息舉家之經百
戰共謂其難即日而封三侯未足以報併加寵數武
表元勳豈與彭越之同功更過汾陽之異姓世胄東

摺送外金

海必傳後嗣之子孫畫像南宮盡掩中興之將帥某
喜聞冊命阻賀轅門帳御如漢王之居想益隆於體
貌尊寵拜顯宗之傳顧豈限於彝章請令太史之屢
書傳作宗臣之盛事

賀安定郡王啟

馬德駿

伏審帝庭敷號王社疏恩褒功而勞使臣方進蓬山
之直崇德以固宗子遂開涇水之封播告邇遐聳動
觀聽竊以漢興中天二百載業既系隆周封同姓五
十餘族方敦叙庸有維城之傑蔚為祭酒之尊恭惟
某官胄出神明任更師帥屏膏梁之習蕭然有寒

士之風極翰墨之工粹然得作者之體輒將使指襲
宗宗藩雖甘泉豹尾之遊少稽輿望而盤石犬牙之任
特簡淵衷備補元戎十乘之容更視泰階六符之象
某幸依洪庇欣聽新除非劉氏不王承既成於顯冊以
滕君為長用壯於熙朝頌詠既勤拙訥難盡

賀穎王啟

歐陽永叔

顯頌帝制崇啟國封伏惟驪慶恭惟 某官純茂凝
姿溫仁秉哲濟之學問而以廣其業履夫崇高而能
守以謙蔚然德譽之隆式是宗藩之列遂膺典冊進
位真王胙之土以建邦實資親屏爵於朝而示眾蓋

播芳金

匪私恩方寵命之初行聽僉言之惟允莫違伸慶徒積欣瞻

賀宗室除郡王啟代

李知幾

伏審裂地行封撫有大邦之衆建旄加寵載兼兩鎮之雄茂推同姓之恩永賴維藩之固伏惟某官秉心信厚率履欽和綽為仙胄之英宜被聖朝之眷乃膺異數進服褒書某承芳牘之見貽佩文光之無數第增勤詠莫悉喻云

賀宗室除郡王啟代

周可行

伏審進領袖旄顯加王爵推渥恩於近屬敬明命於大廷增一時信厚之風聳羣辟觀瞻之美伏以某官傲儀麟趾分派天潢其在文昭之親斯為邦族之最宜膺睿眷以重戚藩某未偕慶禮之先遽沐謙正麟之貺忻銘殊劇言喻罔殫

賀除嗣濮王啟

梁子輔

伏審增衍王封嗣承濮國崇冠戚藩之重榮兼帥彝之嚴述聽嘉音良深抃悃伏以大王資性純裕德履和恭素為宗室之表儀最處皇家之親懿屬因聖孝仰念文昭發明命於大廷推渥恩於近派首膺異數進服褒書某馳慶牘以未遑沐謙函麟之先及其於

愧佩豈易名言

賀留後國公啟

史載之

伏承茂加公爵榮畫邦封推異數於近宗進留車於外間共深慰懌尤協觀瞻伏惟某官親首國宗派聯考廟服温良之懿行承光渥澤之深春恩某方慶拜嘉

亟蒙垂翰其為愧荷曷易指陳
加職 賀秦大觀文啟 鄭厚

茂膺騰注渙號黃庭峻陟班聯視儀上宰傳聞四海稱贊一辭伏惟惟慶恭以某官道德宗工文章盟主箕裘相業柱石朝家決科獨步於桂林致身橫飛

於槐府聞詩聞禮訓素承於義方立德立功業果優於康濟有大德而必得慨無官而可酬高冠絕階榮躋秘殿進大名而增重國體昭異數以厭服人心夷夏聳聞赫赫黑頭之真相簡編罕見皇皇青史之令名眷倚方隆寵靈未艾某自惟駑質上托鴻鈞小壘是拘喜徒深於雀躍宗墀莫及賀尚阻於鳧趨第切情悰難形拙訥

賀王宣撫加資政啟

邵公濟

顯膺褒制誕告多方極秘殿之隆名示行臺之盛節慶流遠服歡重寶鄰玉帳益嚴金城增重在本朝之

舊典眷前輩之偉人富文忠之通北庭范文正之拊
西徼將有資於大政必先冠此美稱惟望實之並高
視勲勞而可繼恭惟 某官受天異稟佐帝中興初
為御史執法殿中適當朝廷尋盟閩外豈但持正論
以一助至不辭難事而百為上旨親承宥密之地甚
邇思言誕布幕府之位偶虛政績既聞召符少緩當
分疆以柔敵思閉關而息民雖遠資惟嚙之謀必密
契廟堂之奠益持大信已底大盜與其寬西顧之憂
於一方曷若均東歸之喜於四表凡君相之屬意皆
人士之傾心某初入秘閣陪太史牛馬走晚試涓郡
託下吏鳧鷖行許以無他謂之可教凡所蒙者真得
師焉獨慚翫骸之餘不副獎飾之異恍如隔世屏此
空山悵哀疾之頓侵念常儀而久廢每加矜惻若未
棄捐曾令問之益崇被春圖而愈寵大庇羣品亟正
近司特將賀履之誠未盡掃門之志

賀王大資啟

熊子復

伏審疏恩宸展陛咫尺禁庭正舊弼之寵彝仍大藩之
委界郵傳四出閩制一新竊以聖朝熙_豐多有間傑
溫國文正卓為耆英然初辭機務而僅領端明及屢
閱歲華而始遷資政旋果聞於入相茲允謂於前規

恭惟 安撫參政大資奧學研幾壯猷經遠貳巖廊
之百揆國勢益尊殿海嶠之十連帥權增重果進聯
於秘殿即還佐於清朝某濫贊將俞幸依封部介圭
趣覲仁遂拜於威儀竿牘修虔敢自通於誠意

賀張端明啟

汪彥章

躬被贊書寵陞秘殿人惟求舊薦隆尹正之權威不
違顏密侍清聞_間之燕望尊表著喜動縉紳恭惟 判
府端明當世老成中原名士英材經世兼數器以有
餘忠力事君更百為而無變爰自得輿之始屢恢游
刃之能潔已抱公威肅本根之地獻善宣美政成喉

舌之司比疏分閭之恩將遂偃藩之佚地方由於君
重人已仁於公歸乃眷行都視天子一圻之奧素為
大國敵長安三輔之繁旋聞騎竹之迎未從憇棠之
蔭宜膺異數以勸懋功惟開館於嚴廷實遴才於近
列榮光三接獨優儒學之名仙路九重更越禁林之
寵所以內表四方之極外倡九牧之風台衡之任益
親政柄之歸可上某久棲穢芘欣聽綸音適縻軺傳
之行莫綴賀賓之末春秋緣飾既施張敬之素聞惟
壘雍容尚起留侯之故績

賀陳端明啟

史載之

伏審眷隆舊輔寵復近班禁殿尤清特奉燕閒之問
 宰廷方缺仁膺弼亮之圖流傳通遐聳動觀聽恭惟
 觀使樞密端明知院妙宗道壺雄帥文壇鼇禁橋
 章翔蛇龍而躍虎鳳鴻樞纘武閑雷霆而藏風雲既
 首冠於籌帷亦垂躋於揆席遠辭機務殊鬱具瞻晉
 仰謝安當復為蒼生而起唐推裴度豈容即綠野而
 居果奉渥恩亟還遠職告遠猷於丹宸諒契淵衷揚
 大號於紫宸即膺政柄一棊猥縻煩使幸比餘休莫
 陪賓客之趨曷勝寤寐之喜

賀胡端明啟

毛伯穎

受任塞垣建齋壇之異効策勳明府增秘殿之隆名
 邠目載傳輿情胥慶竊以憑光逆虜怙亂妖鷄
 育之大恩瀆堅明之信誓當北馬護牧之際為蜂蠆
 起懷之謀歎厥山徒狡狐鳴鵠保忍驚秦隴
 之攸居羊狠狼貪越關河乃峴岷梁之重阻神祇共憤宗社
 降靈謀元帥而作三軍久專委寄用真儒而奠四海
 果見勲庸內輸敵愾之忠獨妙指縱之算陳師鞠旅
 號令精明折馘獻俘師徒奮勵摧鋒得雋乘驛告功
 聆愷獻之鈞諧感宸衷之悅豫天臨廣坐歡聲穆鴛
 鷺之朝風動連營壯氣作熊羆之士懿茲懋賞誕慰

僉言恭惟 某官躬周公三年之征行方叔六月之
伐折衝遠徼有御毅之詩書料敵出奇本荀卿之仁
義奉行天討感格人和惟茲克壯之猷皆本彌愷之
學鑿坡演潤早開綸綍之光篆鼓抗稜久任股肱之
重輜車談笑羽扇指揮用安強節制之師如文章驅
駕之妙華赫莊整隱然兵衛之雄摧陷廓清何殊武
事之繹以臨陣而決勝顧何敵之敢嬰若晉謝安授
將而清羣寇惟唐裴度董師而集大功並聞功烈之
成高出古先之右寰區俾乂再觀河洛之清晷緯宣
明共仰璿璣之正上以贊成五登三之治下以成兼
六斯七之勳光我宗彝不移漏刻某蒙知最厚私喜
實深摩壘靡旌雖無活於行列和鉛砥筆願自揭於
頌聲

辛未十一月初六日校訖 藏園據明鈔本閱

聖宋名賢五百家播芳大全文粹卷十四